

Bosna i Hercegovina

Brčko distrikt Bosne i
Hercegovine

KANCELARIJA ZA PRAVNU POMOĆ

Босна и Херцеговина

Брчко дистрикт Босне и
Херцеговине



КАНЦЕЛАРИЈА ЗА ПРАВНУ ПОМОЋ

Trg pravde 10, 76100 Brčko distrikt Bosne i Hercegovine; tel: 049/219-075; fax: 049/219-070; e-pošta: kppbd@kppbd.ba

Трг правде 10, 76100 Брчко дистрикт Босне и Херцеговине; тел: 049/219-075; факс: 049/219-070; е-пошта: kppbd@kppbd.ba

Broj: Ku-368/25

Brčko, 31.12.2025. godine

Na osnovu člana 9. stav 3. Pravilnika o unutrašnjoj organizaciji i poslovanju Kancelarije za pravnu pomoć Brčko distrikta BiH („Službeni glasnik Brčko distrikta BiH“, broj 19/19, 39/20, 2/21, 30/21 i 7/23), donosim

PLAN RADA

KANCELARIJE ZA PRAVNU POMOĆ BRČKO DISTRIKTA BIH ZA 2026. GODINU

UVODNE NAPOMENE

Shodno glavi V Statuta Brčko distrikta BiH, Kancelarija je nezavisna institucija odgovorna za pružanje pravnih savjeta i zastupanje građana Brčko distrikta BiH slabog imovnog stanja u krivičnim i parničnim predmetima.

Nadležnost Kancelarije propisana je članom 7. Zakona o Kancelariji za pravnu pomoć Brčko distrikta BiH. Shodno tome, Kancelarija je odgovorna za pružanje pravnih savjeta i zastupanje građana Distrikta slabog imovnog stanja i preduzima sve radnje pred Osnovnim sudom Brčko distrikta, Apelacionim sudom Brčko distrikta i Tužilaštvom Brčko distrikta. Kancelarija preduzima sve radnje i učestvuje u svim fazama postupka do pravosnažnog okončanja postupka.

Kancelarija zastupa građane Distrikta slabog imovnog stanja u:

- krivičnom,
- prekršajnom,
- parničnom,
- vanparničnom,
- izvršnom,
- upravnom i
- drugim postupcima propisanim posebnim zakonima.

Pored zastupanja građana u navedenim postupcima Kancelarija pruža strankama usmene savjete o svim pravima i obavezama, pomoć u popunjavanju obrazaca, i pravnu pomoć u popunjavanju svih vrsta pismena.

U svom radu Kancelarija primjenjuje sve materijalne i procesne zakone Brčko distrikta BiH.

Rješenje o angažovanju Kancelarije za zastupanje pred Tužilaštvom i Sudom donosi u krivičnom postupku Predsjednik Osnovnog suda, sudija ili vijeće u skladu sa Zakonom o krivičnom postupku Brčko distrikta BiH, a u parničnom i drugim postupcima Predsjednik Osnovnog suda po proceduri propisanoj ovim Zakonom ili posebnim propisima. O zahtjevu za ostvarivanje pravne pomoći u upravnom postupku odlučuje direktor Kancelarije.

Kancelarija vrši i druge poslove propisane posebnim zakonima.

Kancelarija svojim radom omogućuje građanima Brčko Distrikta pravo na pravično suđenje i jednak pristup pravdi pred sudovima Brčko Distrikta, a što je u skladu sa Statutom Brčko Distrikta, Evropskom konvencijom o ljudskim pravima i Zakonom o Kancelariji za pravnu pomoć Brčko distrikta BiH.

SAŽETI PRIKAZ SPECIFIČNIH CILJEVA IZ GODIŠNJEG PLANA RADA

1. Ažurno postupanje advokata Kancelarije u zastupanju stranaka u krivičnim, prekršajnim, parničnim, vanparničnim, izvršnim i upravnim predmetima, te ažurno postupanje istih kao privremenih zastupnika stranaka u postupcima koji se vode pred Vijećem za izlaganje podataka o nekretninama i utvrđivanju prava na zemljištu.
2. Ažurno postupanje advokata Kancelarije prilikom davanja strankama usmenih savjeta o svim pravima i obavezama, pomoć u popunjavanju obrazaca i pravnu pomoć u popunjavanju svih vrsta pismena.
3. Unaprijeđenje kvaliteta rada advokata i istražitelja Kancelarije kroz obaveznu edukaciju iz krivičnopravne i građanskopravne oblasti te dodatne edukacije organizovane putem Mreže pružalaca besplatne pravne pomoći u BiH, kao i druga stručna usavršavanja.
4. Pобоljšanje informatičke opremljenosti službenika kroz uvođenje novih programa u skladu sa finansijskim mogućnostima.
5. Nastavljanje sa informatičkim usavršavanjem službenika.
6. Postizanje većeg nivoa radne discipline.

Svi navedeni ciljevi imaju svrhu da osiguraju nastavak afirmacije Kancelarije za pravnu pomoć Brčko distrikta BiH kao nosioca besplatne pravne pomoći u Brčko distriktu BiH, kroz predano, odgovorno i kvalitetno zastupanje stranaka u svim postupcima te odgovorno i kvalitetno pružanje usmenih savjeta, čijim radom se omogućava građanima Brčko Distrikta pravo na pravično suđenje i jednak pristup pravdi pred sudovima Brčko Distrikta.

RAD U KRIVIČNIM PREDMETIMA

U 2026. godini Kancelarija planira zaprimiti 160 krivičnih predmeta. Svi advokati Kancelarije postupaće u krivičnim predmetima (u Kancelariji nije vršena posebna specijalizacija advokata odnosno svi su specijalizovani za rad sa svim vrstama predmeta), i svi su specijalizovani za odbranu maloljetnika u krivičnim predmetima, shodno odredbama Zakona o zaštiti i postupanju sa djecom i maloljetnicima u krivičnom postupku. Dva advokata Kancelarije prisustvovaće XXIV savjetovanju iz krivičnopravne oblasti, koje će se održati u Neumu.

RAD U PREKRŠAJNIM PREDMETIMA

U 2026. godini Kancelarija planira zaprimiti 90 prekršajnih predmeta. Na XXIV savjetovanju krivičnopravne oblasti pored krivičnopravne edukacije vršiće se i edukacija iz prekršajne oblasti.

RAD U PARNIČNIM PREDMETIMA

Kancelarija za pravnu pomoć Brčko distrikta BiH u 2026. godini planira zaprimiti 120 predmeta iz građanske oblasti. Na XIX savjetovanju iz građanskopravne oblasti koje će se održati na Jahorini educiraće se advokati Kancelarije za pravnu pomoć. Pored navedene edukacije planirano je i educiranje advokata Kancelarije i na drugim seminarima iz građanske oblasti u organizaciji CEST-a, RS, FBiH i PK BD BiH.

RAD U VANPARNIČNIM PREDMETIMA

Kancelarija za pravnu pomoć Brčko distrikta BiH u 2026. godini planira zaprimiti 15 vanparničnih predmeta.

RAD U IZVRŠNIM PREDMETIMA

Kancelarija za pravnu pomoć Brčko distrikta BiH u 2026. godini planira zaprimiti 20 izvršnih predmeta.

UPRAVNI POSTUPAK

U 2026. godini planira se zaprimiti 10 upravnih predmeta.

PREDMETI VIJEĆA ZA IZLAGANJE PODATAKA O NEKRETNINAMA I UTVRĐIVANJE PRAVA NA ZEMLJIŠTU

U 2026. godini planira se zaprimanje 160 predmeta Vijeća za izlaganje podataka o nekretninama i utvrđivanje prava na zemljištu, u kojima će advokati Kancelarije postupati kao privremeni zastupnici stranaka, čija su prebivališta odnosno boravišta nepoznata.

USMENI SAVJETI

Kancelarija za pravnu pomoć Brčko distrikta BiH u 2026. godini planira pružiti 1.800 usmenih savjeta o svim pravima i obavezama stranaka.

VJEŠTAČENJA


Po Zakonu o Kancelariji za pravnu pomoć Brčko distrikta BiH, Kancelarija u svom radu tj. u zastupanju stranaka vrši angažovanje vještaka raznih struka.

U 2026. godini Kancelarija planira na osnovu obavljenih vještačenja i angažovanja drugih stručnih lica isplatiti iznos od 8.000,00 KM.

KANCELARIJSKA UPRAVA

U 2026. godini Kancelarija će organizovati unutrašnje poslovanje tako da može zakonito, blagovremeno i efikasno obavljati svoje funkcije shodno odredbama Zakona o Kancelariji za pravnu pomoć BD BiH i Pravilnika o unutrašnjem poslovanju Kancelarije za pravnu pomoć Brčko distrikta BiH. Takođe će se izvršiti imenovanje Komisije za odabir i izlučivanje bezvrijednog registraturskog materijala koja će nastaviti vršenje odabira i izlučivanja arhivske građe.

Pratiće se zakonodavne aktivnosti Skupštine Brčko distrikta BiH koje se neposredno ili posredno odnose na Kancelariju za pravnu pomoć Brčko distrikta BiH, blagovremeno će se inicirati izmjene i dopune određenih zakona te će se voditi aktivnosti oko kreiranja budžeta Kancelarije za narednu fiskalnu godinu.



Direktor
Kancelarije za pravnu pomoć
Brčko distrikta BiH

Pizović Safet